

ხელშეკრულება №011
სახელმწიფო შესყიდვის შესახებ
(კლასიფიკატორის კოდი CPV-34144910)

ბათუმი, დასახლება მწვანე კონცხი

06 თებერვალი 2018 წელი

ერთის მხრივ ა(ა)იპ-„ბათუმის ბოტანიკური ბაღი“ (შემდგომში „შემსყიდველი“) წარმოდგენილი მისი დირექტორის ირაკლი არჩაიას სახით და მეორეს მხრივ, ელექტრონული ტენდერის (აუქციონის გარეშე NAT180000636) საშუალებით, ბათუმის ბოტანიკური ბაღისთვის ელექტრო ავტობუსების შესყიდვასთან დაკავშირებით გამარჯვებული შ.პ.ს „PROSPER LIMITED“-ი (შემდგომში „მიმწოდებელი“), წარმოდგენილი მისი დირექტორის მიხეილ ქართლელიშვილის სახით, საქართველოს კანონის მე-7 მუხლის 1-ლი პუნქტის „ა“ ქვეპუნქტის საფუძველზე, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“-ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

- 2.1. ხელშეკრულების საგანს წარმოადგენს შემსყიდველისთვის ელექტრო ავტობუსების მიწოდება - შემდგომში „საქონელი“;
- 2.2 შესყიდვის ობიექტის ხარისხი და გარანტია:
 - 2.2.1 შემოთავაზებული საქონელი არის ახალი, უნაკლო;
 - 2.2.2 შესყიდვის ობიექტის საგარანტიო ვადა შეადგენს მიღება-ჩაბარების აქტის გაფორმებიდან 1 (ერთი) წელს;
 - 2.2.3 შესყიდვის ობიექტის მიწოდების დასრულების შემდეგ ქარხნული წუნის აღმოჩენის შემთხვევაში მიმწოდებელი უზრუნველყოფს აღნიშნული წუნის გამოსწორებას არაუგვიანეს 15 (თხუთმეტი) სამუშაო დღის ვადაში ან ახლით შეცვლა არაუგვიანეს 60 (სამოცი) სამუშაო დღის ვადაში;
 - 2.2.4 საგარანტიო მომსახურების აუცილებლობის შემთხვევაში ტექნიკის ტრანსპორტირებას უზრუნველყოფს მიმწოდებელი;

მუხლი 3. ხელშეკრულების ფასი

- 3.1. წინამდებარე ხელშეკრულებით გათვალისწინებული საქონლის საერთო ღირებულება შეადგენს 69880 (სამოცდაცხრათასრვაასოთხმოცი) ლარს, მისი დაფინანსების წყაროა არასაბიუჯეტო (საკუთარი) სახსრები (შემდგომში „ხელშეკრულების ფასი“).
- 3.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ შესყიდვის ობიექტის მიწოდებასთან დაკავშირებულ ყველა გადასახადს, რაზედაც პასუხისმგებელია მიმწოდებელი, სატრანსპორტო საშუალების სარეგისტრაციო მოსაკრებელის ღირებულებას და წინასწარი ანგარიშსწორების (საავანსო გადახდის შემთხვევაში) საბანკო გარანტიის ხარჯებს.

მუხლი 4. ხელშეკრულების შემადგენლობა

- 4.1. წინამდებარე ხელშეკრულებას ქმნიან და ხელშეკრულების განუყოფელ ნაწილს წარმოადგენენ შემდეგი დოკუმენტები:
- ა) ფასების ცხრილი (დანართი N1);
 - ბ) ინფორმაცია ინტერესთა კონფლიქტის შესახებ.

მუხლი 5. ხელშეკრულების შესრულების კონტროლი

- 5.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 5.2. ხელშეკრულების შესრულების კონტროლს (ინსპექტირებას) ახორციელებენ ა(ა)იპ-„ბათუმის ბოტანიკური ბაღი“-ს სამეურნეო განყოფილების უფროსი გივი ახოზაძე, სატრანსპორტო პარკის კოორდინატორი ჯემალ თურმანიძე ან/და ამ საქმიანობისათვის საჭირო მოწვეული სპეციალისტი (სპეციალისტთა ჯგუფი).
- 5.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 6. შესყიდვის ობიექტის მიღება-ჩაბარების წესი

- 6.1. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 6.2. შემსყიდველი იტოვებს უფლებას, იმ შემთხვევაში თუ მიმწოდებელი მიაწვდის დაბალი ხარისხის პროდუქციას, არ გააფორმოს მიღება-ჩაბარების აქტი და მოსთხოვოს წუნდებული საქონლის ახლით შეცვლა.
- 6.3. საქონლის მიღების შემდეგ ან/და საბოლოო შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 6.4. შემსყიდველი ვალდებულია აცნობოს მიმწოდებელს საბოლოო შემოწმების შედეგები დაწუნებული საქონლის შესახებ წუნდების მიზეზის მითითებით.
- 6.5. შემსყიდველის მხრიდან მიღება-ჩაბარების აქტის ხელმოწერი პირია ა(ა)იპ-„ბათუმის ბოტანიკური ბაღი“-ს სამეურნეო განყოფილების უფროსი გივი ახოზაძე.

მუხლი 7. ანგარიშსწორების ფორმა და წესი

- 7.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში;
- 7.2. წინასწარი ანგარიშსწორება (ავანსი) არ გამოიყენება;
- 7.3. ანგარიშსწორება მიმწოდებელთან განხორციელდება საქონლის მიწოდების, მიღება-ჩაბარების აქტის გაფორმების და საგადახდო ანგარიშ-ფაქტურის წარმოდგენის შემდეგ (დღგ-ს გადამხდელის შემთხვევაში) 10 (ათი) სამუშაო დღის განმავლობაში და მიმწოდებლის მხრიდან პირგასამტეხლოს ჩარიცხვის შემდეგ (ასეთის არსებობის შემთხვევაში) 5 (ხუთი) სამუშაო დღის განმავლობაში;

მუხლი 8. მხარეთა უფლება-მოვალეობები

- 8.1. შემსყიდველს უფლება აქვს მიიღოს მიმწოდებლისაგან ჯეროვნად, კეთილსინდისიერად მიწოდებული საქონელი.
- 8.2. შემსყიდველი ვალდებულია გადაუხადოს მიმწოდებელს მიწოდებული საქონლის ფასი ხელშეკრულებით გათვალისწინებული პირობების შესაბამისად.
- 8.3. მიმწოდებელი ვალდებულია ჯეროვნად, კეთილსინდისიერად და დროულად მიაწოდოს შემსყიდველს საქონელი.
- 8.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული თანხა.

მუხლი 9. მხარეთა პასუხისმგებლობა ხელშეკრულების

პირობების შეუსრულებლობისათვის

- 9.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 0,2%-ის ოდენობით, შეუსრულებელი ვალდებულების ყოველი დღისათვის, რომელსაც მიმწოდებელი შემსყიდველს უხდის სახაზინო ანგარიშზე ჩარიცხვის წესით, არაუგვიანეს 5 (ხუთი) სამუშაო დღის განმავლობაში;
- 9.2. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ გადაგადაცილებულ დღეზე გადასახდელი თანხის 0,2%-ის ოდენობით;
- 9.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან;
- 9.4. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების თანხის ღირებულების 5%-ის ოდენობით.

მუხლი 10. ხელშეკრულებაში ცვლილების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5. მხარე ვალდებულია რაიმე სახის გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 11. დაუძლეველი ძალა

- 11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 12. დავები და მათი გადაწყვეტის წესი

- 12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 13. სხვა პირობები

13.1. იურიდიული მისამართის ან/და საბანკო რეკვიზიტების შეცვლის შემთხვევაში მხარეები ვალდებული არიან 3 დღის ვადაში წერილობით აცნობონ ერთმანეთს ამის შესახებ.

მუხლი 14. საქონლის მიწოდებისა და ხელშეკრულების მოქმედების ვადა

14.1. საქონლის მიწოდება უნდა განხორციელდეს ხელშეკრულების გაფორმებიდან 65 (სამოცდახუთი) სამუშაო დღის (2018 წლის 14 მაისის ჩათვლით პერიოდში) განმავლობაში;

14.2. საქონლის მიწოდების ადგილია - ბათუმი, დასახლება მწვანე კონცხი, ბათუმის ბოტანიკური ბაღი;

14.3. ხელშეკრულება ძალაშია მხარეთა მიერ ხელმოწერის დღიდან და მისი მოქმედების ვადაა 2018 წლის 30 ივნისის ჩათვლით.

მუხლი 15. განსაკუთრებული პირობები

15.1. ხელშეკრულება შედგენილია 2 (ორი) ეგზემპლარად და თითოეულ მათგანს თანაბარი იურიდიული ძალა აქვს;

15.2. ხელშეკრულების ერთი ეგზემპლარი ინახება „მიმწოდებელთან“ მეორე ეგზემპლარი „შემსყიდველთან“

„შემსყიდველი“

ა(ა)იპ-„ბათუმის ბოტანიკური ბაღი“

საიდენტიფიკაციო კოდი: 245615963

მისამართი: ბათუმი, დასახლება მწვანე კონცხი.

ტელეფონი: (0422) 27 00 33

სახელმწიფო ხაზინა;

შემოსავლის სახაზინო კოდი: TRESGE22

ა/ა 740717520

„მიმწოდებელი“

შ.პ.ს. „PROSPER LIMITED“

საიდენტიფიკაციო კოდი: 404983041

მის: თბილისი, ი.პეტრიწის 14/30

მობ: +995 577 10 50 09

სს „საქართველოს ბანკი“

ბანკის კოდი: BAGAGE22

ა/ა: GE50BG0000000306187200

შემსყიდველი:

ირაკლი არჩაია



მიმწოდებელი;

მიხეილ ქართლელიშვილი



ფასების ცხრილი

მიმწოდებლის დასახელება : შ.პ.ს. „PROSPER LIMITED“

სახელშეკრულებო ფასი : 69880 (სამოცდაცხრაათასრვაასოთხმოცი)

N	დასახელება	ტექ. მახასიათებლები (სატენდერო დოკუმენტაციის 1.2. პუნქტის მოთხოვნების შესაბამისად)	რ-ობა /გან.ერთ	ერთ. ფას	ჯამი
1	ელექტრო ავტობუსი	გამოშვების წელი არანაკლებ 2017 წელი, ახალი, ექსპლუატაციაში არმყოფი. ელ. კვების სისტემა არანაკლებ 72V/7.5KW აკუმულატორი არანაკლებ 12xT 105 ელ. ძრავის სიმძლავრე არანაკლებ 7.5KW (10,2 ცხენის ძალა) ელ. რეგულატორი არანაკლებ 400A სრულად დატენვის დრო არაუმეტეს 12 სთ დამტენი შემსვლელი 110V-240V~50Hz-60Hz, გამომსვლელი არანაკლებ 48V/22A ადგილების, რაოდენობა არანაკლებ 14 დისტანციის ზღვარი სწორ გზაზე 20 კმ/სთ სიჩქარის შემთხვევაში არანაკლებ 100კმ მაქსიმალური სიჩქარე არანაკლებ 45კმ/სთ მობრუნების მინიმალური რადიუსი არანაკლებ 5,35მ. აღმართზე ასვლის ზღვარი არანაკლებ 20% მაქსიმალური მოძრაობა დამუხრუჭების შემდეგ არაუმეტეს 4 მ. ტვირთის მაქსიმალური ამწეობა არანაკლებ 1100 კგ. გარე ზომები (LxWxH) (სიგრძეxსიგანეxსიმაღლე) არანაკლებ 5000x1490x2050 მმ. კლირენსი არანაკლებ 135 მმ. საბურავებს შორის მანძილი არანაკლებ 2710 მმ. ჩარჩო შედებილი შედუღებული ფოლადი კორპუსი და საბურავი მჩატე მასალებისაგან (ფიბერგლასი, ალუმინი, პლასტმასი) ქარისა და წვიმისაგან დამცავი აღჭურვილობა წინა ლამინირებული შუმა ელ. საწმენდი ჩოთქით და წყლის შეფრქვევით, გვერდითი პოლივინილქლორიდის გამჭირვალე ფარდები ელვა შესაკრავებით სკამები (საზურგე და ბალიში) ხელოვნური ტყავი ღრუბელი-გუბკა, უსაფრთხოება და დამცავი ეკვირება სკამებს შორის შესასვლელებში გაღვანიზირებული ჯაჭვები ჩამკეტი კაუჩებით, ბოლო რიგის მგზავრების ხელის მოსაკიდი ძელი უჟანგავი ლითონის იატაკის საფარი ხელოვნური ტყავი ან რეზინი სარკეები შიდა უკანა ხედვის სარკე 1 ცალი, გვერდითი უკანა ხედვის სარკე 2 ცალი ჩამონტაჟებული აუდიო სისტემა არანაკლებ 4 სპიკერი, 1 მიკროფონი, MP3 პლეიერი სიჩქარის გამანაწილებელი კოლოფი 4 წინა+1 უკანა გადამცემა საჭის მართვის მექანიზმი ელექტრონული გამაძლიერებელი სისტემა სამუხრუჭე სისტემა წინა და უკანა სამუხრუჭე დისკები + ხელის მუხრუჭი განათება და სიგნალი წინ სიგნალი, ფრონტალური ფარები 2 ცალი, მოხვევის სასიგნალო ციმციმა 2 ცალი, სანისლე ფარები 2 ცალი განათება და სიგნალი უკან სამუხრუჭე ფარები 2 ცალი, მოხვევის სასიგნალო ციმციმა 2 ცალი, სანისლე ფარი 1 ცალი, უკანა სვლის ფარი 1 ცალი. ფერი ლურჯი.	2 (ორი) ცალი	34940	69880
სულ ჯამი					69880

დირექტორი:

მიხეილ ქართლელიშვილი

ინფორმაცია
ინტერესთა კონფლიქტის შესახებ

ქ. ბათუმი, დასახლება მწვანე კონცხი

06 თებერვალი 2018 წელი


ვადასტურებთ, რომ ა(ა)იპ-„ბათუმის ბოტანიკური ბაღი“-ს მიერ ელექტრონული ტენდერის (აუქციონის გარეშე - NAT180000636) საშუალებით, 2 (ორი) ცალი ელექტრო ავრობუსების სახელმწიფო შესყიდვასთან დაკავშირებულ საქმიანობაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.

დირექტორი:



ირაკლი არჩაია

სამეურნეო განყოფილების
უფროსი:



გივი ახოზაძე

სატრანსპორტო პარკის
კოორდინატორი



ჯემალ თურმანიძე